

Huntlæus & alii citant, v. g. Rom. 16. v. 20. *Deus conteret Satanam sub pedes vestras brevi & c.* De utraq; pugna nostrates Theologi verba Prot-Evangeliæ exponunt, sicut videre est apud D. Rungium p. m. in comm. super cap. 3. Gen. v. 15. Si de priori loquuntur Jesuitæ, dicimus, neminem præter Christum Diaboli caput contrivisse, qui etiam hoc respectu solus maledicto semini opponitur; *Si de posteriore, concedimus, Membra Ecclesiæ virtute capitis sui non solum caput serpentis conterere, sed etiam eadem hoc sensu semini æquam opponi.* Hoc distinctionis emplastrum ritè applicatò cætera omnia argumentorum vulnera, quæ Jesuitæ integro doctrinæ orthodoxæ capiti infligunt sanari possunt, quæ etiam uberius deducenda iis relinquo, qui Provinciis Theologicis funguntur. Ad nostrum enim hæmisphærium illa non spectare videntur.

Quare hic vela contraho, Deoq; ter Opt. Maximo ex imis cordis penetralibus gratias ago pro divino auxilio nobis clementer præstito. Idem Benignissimus Deus convertendos ad meliorem frugem reducat, nos verò in agnita veritate usq; ad extremum vitæ halitum conservet, corroboret, confirmet Amen.

כבוד ויקר ליהודה :

